

## REGLUGERÐ

### um breytingu á reglugerð um þvingunaraðgerðir gegn alvarlegum mannréttindabrotum, nr. 466/2021.

#### 1. gr.

##### *Almenn ákvæði.*

3. mgr. 1. gr. reglugerðarinnar orðast svo: Í þeim gerðum sem vitnað er til í 10. gr., og öðrum ákvæðum reglugerðar þessarar, kemur fram um hvaða ályktun er að ræða, hverjar þær þvingunaraðgerðir sem koma eiga til framkvæmda eru og gegn hverjum þær beinast, sbr. 2. mgr. 6. gr. laga um framkvæmd alþjóðlegra þvingunaraðgerða og frystingu fjármuna nr. 68/2023.

#### 2. gr.

##### *Þvingunaraðgerðir.*

Eftirfarandi töluliðir skulu bætast við 1. mgr. 10. gr. reglugerðarinnar, í rétttri númeraröð:

1.3 Ákvörðun ráðsins (SSUÖ) 2024/1025 frá 4. apríl 2024 um breytingu á ákvörðun ráðsins (SSUÖ) 2020/1999 um þvingunaraðgerðir gegn alvarlegum mannréttindabrotum, sbr. fylgiskjal 1.3.

2.3 Reglugerð ráðsins (ESB) 2024/1034 frá 4. apríl 2024 um breytingu á reglugerð (ESB) 2020/1998 um þvingunaraðgerðir gegn alvarlegum mannréttindabrotum, sbr. fylgiskjal 2.3.

2. mgr. 10. gr. reglugerðarinnar orðast svo: Listar yfir aðila, hluti, tækni eða annað viðfang þvingunaraðgerða, sem vísað er til í framangreindum gerðum, eru birtir á vef Stjórnartíðinda Evrópusambandsins. Síðari breytingar og uppfærslur listanna öðlast sjálfkrafa gildi við birtingu á þeim vef, sbr. 3. mgr. 6. gr. laga um framkvæmd alþjóðlegra þvingunaraðgerða og frystingu fjármuna nr. 68/2023.

#### 3. gr.

##### *Viðurlög.*

13. gr. reglugerðarinnar orðast svo: Hver sá sem brýtur gegn þvingunaraðgerðum skv. lögum nr. 68/2023 um framkvæmd alþjóðlegra þvingunaraðgerða og frystingu fjármuna skal sæta viðurlögum skv. 37. gr. laganna, nema þyngri viðurlög liggi við samkvæmt öðrum lögum.

#### 4. gr.

##### *Gildistaka o.fl.*

Reglugerð þessi, sem er sett með heimild í 6. gr. laga um framkvæmd alþjóðlegra þvingunaraðgerða og frystingu fjármuna nr. 68/2023, öðlast þegar gildi.

*Utanríkisráðuneytinu, 22. apríl 2024.*

**Þórdís Kolbrún Reykfjörð Gylfadóttir.**

*Martin Eyjólfsson.*

**Fylgiskjal 1.3.****ÁKVÖRDUN RÁÐSINS (SSUÖ) 2024/1025****frá 4. apríl 2024****um breytingu á ákvörðun (SSUÖ) 2020/1999 um þvingunaraðgerðir gegn alvarlegum mannréttindabrotum**

RÁÐ EVRÓPUSAMBANDSINS HEFUR,

með hliðsjón af sáttmálanum um Evrópusambandið, einkum 29. gr.,

með hliðsjón af tillögu frá æðsta fulltrúa Sambandsins í utanríkis- og öryggismálum,

og að teknu tilliti til eftirfarandi:

- 1) Hinn 7. desember 2020 samþykkti ráðið ákvörðun (SSUÖ) 2020/1999<sup>(1)</sup>.
- 2) Í ályktunum sínum frá 20. maí 2021 um orðsendingu framkvæmdastjórnarinnar til Evrópuþingsins og ráðsins „um aðgerðir ESB í mannúðarmálum: nýjar áskoranir, sömu meginreglur“ áréttaði ráðið skuldbindingu sína um að forðast og ef það er ekki unnt, að milda eins og hægt er, hugsanleg óráðgerð, neikvæð áhrif þvingunaraðgerða Sambandsins á aðgerðir í mannúðarmálum á grundvelli meginreglna. Ráðið ítrekaði að þvingunaraðgerðir Sambandsins samræmist öllum skuldbindingum samkvæmt þjóðarétti, einkum alþjóðlegum mannréttindalögum, alþjóðlegum mannúðarrétti og alþjóðalögum um flóttamenn. Það lagði áherslu á mikilvægi þess að fylgja að fullu meginreglum um mannúð og alþjóðlegum mannúðarrétti í stefnu Sambandsins um refsiaðgerðir, m.a. með samræmdri innfellingu undanþága af mannúðarástæðum í regluverk Sambandsins um þvingunaraðgerðir þar sem við á og með því að tryggja að skilvirkur rammi sé til staðar fyrir notkun stofnana á sviði mannúðarmála á slíkum undanþágum.
- 3) Hinn 9. desember 2022 samþykkti öryggisráð Sameinuðu þjóðanna ályktun öryggisráðs SP nr. 2664 (2022) sem vísar til fyrri ályktana um að leggja á refsiaðgerðir til að bregðast við ógnum við frið og öryggi á alþjóðavettvangi og leggur áherslu á að ráðstafanir sem aðildarríki SP grípa til, í því skyni að framkvæma refsiaðgerðir, þurfi að samræmast skuldbindingum þeirra samkvæmt alþjóðalögum og að þeim sé ekki ætlað að hafa neikvæð mannúðaráhrif á óbreytta borgara eða á mannúðaraðstoð eða þau sem veita hana. Í l. mgr. ályktunar sinnar nr. 2664 (2022) ákvað öryggisráð SP að útvegum, vinnsla eða greiðsla fjármuna, annarra fjáreigna eða efnahagslegs auðs eða útvegum vara og þjónustu sem nauðsynleg er til að tryggja að veita megi tímanlega mannúðaraðstoð eða styðja við aðra starfsemi sem styður við grunnþarfir fólks sé heimil, af hálfu tiltekinnna aðila, og brjóti ekki gegn frýstingu eigna sem lögð er á af öryggisráðinu eða framkvæmdanefndum þess um þvingunaraðgerðir.
- 4) Hinn 14. febrúar 2023 samþykkti ráðið ákvörðun (SSUÖ) 2023/338<sup>(2)</sup> sem innleiddi undanþáguna af mannúðarástæðum samkvæmt ályktun öryggisráðs SP nr. 2664 (2022) í regluverk Sambandsins um þvingunarráðstafanir sem kemur til framkvæmda aðgerðum sem öryggisráðið eða framkvæmdanefndir þess um þvingunarráðstafanir ákveða. Hinn 31. mars 2023 samþykkti ráðið ákvörðun (SSUÖ) 2023/726<sup>(3)</sup> sem innleiddi undanþáguna af mannúðarástæðum samkvæmt ályktun öryggisráðs SP nr. 2664 (2022) í regluverk Sambandsins um þvingunarráðstafanir sem kemur til framkvæmda aðgerðum sem öryggisráðið eða framkvæmdanefndir þess um þvingunarráðstafanir ákveða, og í viðbótaraðgerðir sem ráðið ákveður. Hinn 27. nóvember 2023 samþykkti ráðið ákvörðun (SSUÖ) 2023/2686<sup>(4)</sup> sem innleiddi undanþáguna af mannúðarástæðum í tiltekin regluverk Sambandsins um þvingunarráðstafanir í þágu þeirra aðila sem um getur í ályktun öryggisráðs SP nr. 2664 (2022), samtaka og fagstofnana, sem Sambandið hefur veitt vottorð um samstarf í mannúðarmálum (e. *Humanitarian Partnership Certificate*), samtaka og fagstofnana sem hafa vottun eða viðurkenningu frá aðildarríki, og sérstofnana aðildarríkja.
- 5) Til að efla samræmi milli regluverka Sambandsins um þvingunaraðgerðir og við þau regluverk, sem öryggisráðið eða framkvæmdanefndir þess um þvingunarráðstafanir samþykkja, og til að tryggja að veita megi tímanlega mannúðaraðstoð eða styðja við aðra starfsemi sem styður við grunnþarfir fólks, þykir rétt að innleiða undanþágu frá aðgerðum varðandi frýstingu eigna einstaklinga eða lögaðila, rekstrareininga eða stofnana sem tilgreind eru samkvæmt ákvörðun (SSUÖ) 2020/1999, og frá takmörkunum á því að gera fjármuni eða efnahagslegan auð aðgengilegan þeim, í þágu aðila sem um getur í ályktun öryggisráðs SP nr. 2664 (2022), samtaka og fagstofnana, sem Sambandið hefur veitt vottorð um samstarf í mannúðarmálum, samtaka og fagstofnana sem hafa vottun eða viðurkenningu frá aðildarríki, og sérstofnana aðildarríkja. Enn fremur telur ráðið að breyta ætti fyrirliggjandi undanþágufyrirkomulagi fyrir þau samtök og þá aðila sem taka þátt í mannúðarstarfi en geta ekki nýtt sér undanþáguna. Ráðið telur einnig að undanþágufyrirkomulagið ætti að gilda í stað undanþágunnar í tilvikum þar sem ráðið hefur ákvarðað að þörf er á grannskoðun lögbærra innlendra stjórnvalda vegna meiri áhættu á að fjármunir eða efnahagslegur auður sem veittur er yrði misnotaður í öðrum tilgangi en til mannúðaraðstoðar.

- 6) Frekari aðgerða er þörf af hálfu Sambandsins til þess að hrinda tilteknum aðgerðum í framkvæmd.  
 7) Því ætti að breyta ákvörðun (SSUÖ) 2020/1999 til samræmis við það.

SAMÞYKKT ÁKVÖRDUN ÞESSA:

*I. gr.*

Ákvörðun (SSUÖ) 2020/1999 er breytt sem hér segir:

- 1) Ákvæðum 4. gr. er breytt sem hér segir:
- a) Eftirfarandi málsgreinum er bætt við:
- „-1. Ákvæði 1. og 2. mgr. 3. gr. skulu ekki gilda um útvegum, vinnslu eða greiðslu fjármuna, annarra fjáreigna eða efnahagslegs auðs eða útvegum vara og þjónustu sem nauðsynleg er til að tryggja að veita megi tímanlega mannúðaraðstoð eða styðja við aðra starfsemi sem styður við grunnþarfir fólks þegar slík aðstoð og önnur starfsemi er framkvæmd af hálfu:
- Sameinuðu þjóðanna (SP), þ.m.t. áætlana þeirra, sjóða og annarra rekstrareininga og stofnana, sem og sérstofnana þeirra og tengdra stofnana,
  - alþjóðastofnana,
  - stofnana á sviði mannúðarmála sem hafa stöðu áheyrnarfulltrúa á allsherjarþingi SP og aðila að þessum mannúðarstofnunum,
  - frjálsra félagasamtaka með tvíhliða eða marghliða fjármögnun sem taka þátt í viðbragðsáætlunum SP um mannúðaraðstoð, viðbragðsáætlunum SP vegna flóttafólks, öðrum áköllum SP eða klösum á sviði mannúðarmála sem samhæfingarskrifstofa aðgerða SP í mannúðarmálum samhæfir,
  - samtaka og fagstofnana, sem Sambandið hefur veitt vottorð um samstarf í mannúðarmálum (e. *Humanitarian Partnership Certificate*) eða sem hafa vottun eða viðurkenningu frá aðildarríki í samræmi við landsbundna málsmeðferð,
  - sérstofnana aðildarríkjanna eða
  - starfsfólks, styrkþega, dótturfélaga eða framkvæmdaraðila þeirra rekstrareininga sem um getur í a- til f-lið á meðan og að því marki sem þeir starfa í þessum stöðum.
- 1a. Undanþágan sem sett er fram í -1. mgr. gildir ekki um einstaklinga eða lögaðila, rekstrareiningar eða stofnanir sem auðkennd eru með stjórnun í viðaukanum.“
- b) Í stað 1. mgr. kemur eftirfarandi:
- „1. Með fyrirvara um -1. mgr. og þrátt fyrir 1. og 2. mgr. 3. gr. geta lögbær stjórnvöld aðildarríkis heimilað að tilteknir frystir fjármunir eða efnahagslegur auður verði affrystur eða að tilteknir fjármunir eða efnahagslegur auður verði gerður aðgengilegur samkvæmt þeim skilyrðum sem þau telja viðeigandi, eftir að hafa gengið úr skugga um að þessir fjármunir eða efnahagslegur auður sé nauðsynlegur til að tryggja megi tímanlega mannúðaraðstoð eða til að styðja við aðra starfsemi sem styður við grunnþarfir fólks.“
- c) Eftirfarandi málsgrein er bætt við:
- „1a. Ef ekki liggur fyrir neikvæð ákvörðun, beiðni um upplýsingar eða tilkynning um viðbótartíma frá viðkomandi lögbæru stjórnvaldi innan 5 virkra daga frá viðtökudegi beiðni um heimild skv. 1. mgr. skal líta svo á að heimildin hafi verið veitt.“
- d) Í stað 2. mgr. kemur eftirfarandi:
- „2. Viðkomandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem veitt er samkvæmt þessari grein innan fjögurra vikna frá því að slík heimild er veitt.“
- 2) Í stað 2. mgr. 10. gr. kemur eftirfarandi:
- „2. Undantekningarnar sem um getur í 4. gr. að því er varðar 1. og 2. mgr. 3. gr. skal endurskoða með reglulegu millibili og a.m.k. á 12 mánaða fresti, eða að brýnni beiðni aðildarríkis, æðsta fulltrúans eða framkvæmdastjórnarinnar í kjölfar grundvallarbreytingar á aðstæðum.“
- 3) Viðaukanum er breytt í samræmi við viðaukann við þessa ákvörðun.

## 2. gr.

Ákvörðun þessi öðlast gildi daginn eftir að hún birtist í *Stjórnartíðindum Evrópusambandsins*.

Gjört í Brussel 4. apríl 2024.

Fyrir hönd ráðsins,

forseti.

H. LAHBIB

(<sup>1</sup>) Ákvörðun ráðsins (SSUÖ) 2020/1999 frá 7. desember 2020 um þvingunaraðgerðir gegn alvarlegum mannréttindabrotum (Stjtið. ESB L 410 I, 7.12.2020, bls. 13).

(<sup>2</sup>) Ákvörðun ráðsins (SSUÖ) 2023/338 frá 14. febrúar 2023 um breytingu á tilteknum ákvörðunum ráðsins og sameiginlegum afstöðum að því er varðar þvingunaraðgerðir í því skyni að bæta við ákvæðum um undanþágur af mannúðarástæðum (Stjtið. ESB L 47, 15.2.2023, bls. 50).

(<sup>3</sup>) Ákvörðun ráðsins (SSUÖ) 2023/726 frá 31. mars 2023 um breytingu á tilteknum ákvörðunum ráðsins um þvingunaraðgerðir í því skyni að bæta við ákvæðum um undanþágur af mannúðarástæðum (Stjtið. ESB L 94, 3.4.2023, bls. 48).

(<sup>4</sup>) Ákvörðun ráðsins (SSUÖ) 2023/2686 frá 27. nóvember 2023 um breytingu á tilteknum ákvörðunum ráðsins um þvingunaraðgerðir í því skyni að bæta við ákvæðum um undanþágur af mannúðarástæðum (Stjtið. ESB L, 2023/2686, 28.11.2023, ELI: <http://data.europa.eu/eli/dec/2023/2686/oj>).

## VIÐAUKI

[Viðaukarnir eru birtir á vef Stjórnartíðinda ESB: <http://data.europa.eu/eli/dec/2024/1025/oj>.

Listar yfir aðila, hluti, tækni eða annað viðfang þvingunaraðgerða, eru birtir á vef Stjórnartíðinda Evrópusambandsins. Síðari breytingar og uppfærslur viðaukanna öðlast sjálfkrafa gildi við birtingu á þeim vef, sbr. 3. mgr. 6. gr. laga um framkvæmd alþjóðlegra þvingunaraðgerða og frystingu fjármuna nr. 68/2023.

Vefur Stjórnartíðinda Evrópusambandsins er hér: <http://eurlex.europa.eu>.

Heildarlisti yfir aðila sem eru háðir frystingu fjármuna er hér: [https://ec.europa.eu/info/business-economy-euro/banking-and-finance/international-relations/restrictive-measures-sanctions\\_en#list](https://ec.europa.eu/info/business-economy-euro/banking-and-finance/international-relations/restrictive-measures-sanctions_en#list).]

**Fylgiskjal 2.3.****REGLUGERÐ RÁÐSINS (ESB) 2024/1034**

frá 4. apríl 2024

**um breytingu á reglugerð (ESB) 2020/1998 um þvingunaraðgerðir gegn alvarlegum mannréttindabrotum**

RÁÐ EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins, einkum 215. gr.,

með hliðsjón af sameiginlegri tillögu frá æðsta fulltrúa Sambandsins í utanríkis- og öryggismálum og framkvæmdastjórn Evrópusambandsins,

og að teknu tilliti til eftirfarandi:

- Hinn 7. desember 2020 samþykkti ráðið ákvörðun (SSUÖ) 2020/1999<sup>(1)</sup> og reglugerð (ESB) 2020/1998<sup>(2)</sup> um þvingunaraðgerðir gegn alvarlegum mannréttindabrotum.
- Hinn 4. apríl 2024 samþykkti ráðið ákvörðun (SSUÖ) 2024/1025<sup>(3)</sup>, um breytingu á ákvörðun (SSUÖ) 2020/1999 til að innleiða undanþágu vegna mannúðarástoðar og annarrar starfsemi sem styður við grunnþarfir fólks, sem gildir um tiltekna aðila. Undanþágan er á grundvelli 1. mgr. ályktunar öryggisráðs Sameinuðu þjóðanna nr. 2664 (2022) sem var samþykkt 9. desember 2022.
- Breytingarnar í þessari reglugerð falla undir gildissvið sáttmálans og því er lagasetning á vettvangi Sambandsins nauðsynleg til að hrinda þeim í framkvæmd, einkum til að tryggj sé að þeim sé beitt með samræmdum hætti í öllum aðildarríkjunum.
- Því ætti að breyta reglugerð (ESB) 2020/1998 til samræmis við það.

SAMÞYKKT REGLUGERÐ ÞESSA:

## 1. gr.

Ákvæðum 5. gr. reglugerðar (ESB) 2020/1998 er breytt sem hér segir:

## 1) Eftirfarandi málsgreinum er bætt við:

„1. Ákvæði 1. og 2. mgr. 3. gr. gilda ekki um það þegar nauðsynlegir fjármunir eða efnahagslegur auður er gerður aðgengilegur til að tryggja að veita megi tímanlega mannúðaraðstoð eða styðja við aðra starfsemi sem styður við grunnþarfir fólks þegar slík aðstoð og önnur starfsemi er framkvæmd af hálfu:

- a) Sameinuðu þjóðanna (SÞ), þ.m.t. áætlana þeirra, sjóða og annarra rekstrareininga og stofnana, sem og sérstofnana þeirra og tengdra stofnana,
- b) alþjóðastofnana,
- c) stofnana á sviði mannúðarmála sem hafa stöðu áheyrnarfulltrúa á allsherjarþingi SÞ og aðila að þessum mannúðarstofnunum,
- d) frjálsra félagasamtaka með tvíhliða eða marghliða fjármögnun sem taka þátt í viðbragðsáætlunum SÞ um mannúðaraðstoð, viðbragðsáætlunum SÞ vegna flóttafólks, öðrum áköllum SÞ eða klósum á sviði mannúðarmála sem samhæfingarskrifstofa aðgerða SÞ í mannúðarmálum samhæfir,
- e) samtaka og fagstofnana, sem Sambandið hefur veitt vottorð um samstarf í mannúðarmálum (e. *Humanitarian Partnership Certificate*) eða sem hafa vottun eða viðurkenningu frá aðildarríki í samræmi við landsbundna málsmeðferð,
- f) sérstofnana aðildarríkanna eða
- g) starfsfólks, styrkþega, dótturfélaga eða framkvæmdaraðila þeirra rekstrareininga sem um getur í a- til f-lið á meðan og að því marki sem þeir starfa í þessum stöðum.

-1a. Undanþágan sem sett er fram í -1. mgr. gildir ekki um einstaklinga eða lögaðila, rekstrareiningar eða stofnanir sem auðkennd eru með stjörnu í I. viðauka.“

## 2) Í stað 1. mgr. kemur eftirfarandi:

„1. Með fyrirvara um -1. mgr. og þrátt fyrir 1. og 2. mgr. 3. gr. geta lögbær stjórnvöld aðildarríkis heimilað að tilteknir frystir fjármunir eða efnahagslegur auður verði affrystur eða að tilteknir fjármunir eða efnahagslegur auður verði gerður aðgengilegur samkvæmt þeim skilyrðum sem þau telja viðeigandi, eftir að hafa gengið úr skugga um að þessir fjármunir eða efnahagslegur auður sé nauðsynlegur til að tryggja megi tímanlega mannúðaraðstoð eða til að styðja við aðra starfsemi sem styður við grunnþarfir fólks.“

## 3) Eftirfarandi málsgrein er bætt við:

„1a. Ef ekki liggur fyrir neikvæð ákvörðun, beiðni um upplýsingar eða tilkynning um viðbótartíma frá viðkomandi lögbæru stjórnvaldi innan 5 virkra daga frá viðtökudegi beiðni um heimild skv. 1. mgr. skal líta svo á að heimildin hafi verið veitt.“

## 4) Í stað 2. mgr. kemur eftirfarandi:

„2. Viðkomandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem veitt er samkvæmt þessari grein innan fjögurra vikna frá því að slík heimild er veitt.“

2. gr.

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 4. apríl 2024.

*Fyrir hönd ráðsins,*

*forseti.*

H. LAHBIB

(<sup>1</sup>) Ákvörðun ráðsins (SSUÖ) 2020/1999 frá 7. desember 2020 um þvingunaraðgerðir gegn alvarlegum mannréttindabrotum (Stjtið. ESB L 410 I, 7.12.2020, bls. 13).

(<sup>2</sup>) Reglugerð ráðsins (ESB) 2020/1998 frá 7. desember 2020 um þvingunaraðgerðir gegn alvarlegum mannréttindabrotum (Stjtið. ESB L 410 I, 7.12.2020, bls. 1).

(<sup>3</sup>) Ákvörðun ráðsins (SSUÖ) 2024/1025 frá 4. apríl 2024 um breytingu á ákvörðun (SSUÖ) 2020/1999 um þvingunaraðgerðir gegn alvarlegum mannréttindabrotum (Stjtið. ESB L, 2024/1025, 5.4.2024, ELI: <http://data.europa.eu/eli/dec/2024/1025/oj>).